

Klub zastupnika Naše stranke

u Zastupničkom domu Parlamenta Federacije Bosne i Hercegovine

Vibor Handžić, delegat Naše stranke

u Domu naroda Parlamenta Federacije Bosne i Hercegovine

Sarajevo, 17.8.2021.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:	17-08-2021		
Org. jed.	BFCJ	Priloga	Vrijednost
01, 02	- 02	-	1705/21

Dostaviti:

BOSNA I HERCEGOVINA
FEDERACIJA BOSNA I HERCEGOVINA
Parlament Federacije BiH – Predstavnički dom
n/r g. Mirsad Zaimović, predsjedavajući
Parlament Federacije BiH – Dom naroda
n/r g. Tomislav Martinović, predsjedatelj

Uputiti:

Vlada Federacije Bosne i Hercegovine
Zakonodavno-pravna komisija i nadležne komisije

Na osnovu članova 163. i 165. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i članova 155. i 157. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20) podnosimo **NACRT ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA FEDERACIJE BIH.**

Predsjednica Kluba zastupnika_ca u Zastupničkom domu
Sabina Ćudić



Delegat u Domu naroda
Vibor Handžić



Klub zastupnika Naše stranke

u Predstavničkom domu Parlamenta Federacije BiH

Vibor Handžić

Delegat u Domu naroda Parlamenta Federacije Bosne i Hercegovine

NACRT

**ZAKON O IZMJENAMA I DOPUNAMA
ZAKONA O REGISTRACIJI POSLOVNIH SUBJEKATA
FEDERACIJE BIH**

Sarajevo, august 2021. godine

**ZAKON O IZMJENAMA I DOPUNAMA
ZAKONA O REGISTRACIJI POSLOVNIH SUBJEKATA FEDERACIJE BiH**

Član 1.

U Zakonu o registraciji privrednih subjekata („Službene novine FBiH“ broj 27/05, 68/05, 43/09, 63/14) u članu 14. stav (1) dodaje se nova tačka 6) koja glasi: „6) odvajanja subjekta upisa na novi ili postojeći subjekat upisa“.

Dosadašnje tačke 6) i 7) postaju tačke 7) i 8).

Član 2.

Iza člana 19. dodaje se novi član 19a. koji glasi:

„Član 19a.

(Registracija odvajanja subjekta upisa na novi ili postojeći subjekat upisa)

(1) Podaci koji se obavezno unose u glavnu knjigu registra u slučaju registracije odvajanja subjekta upisa na novi ili postojeći subjekat upisa su:

- 1) firma i sjedište subjekta koji se odvaja na dva ili više novih subjekata upisa;
- 2) broj i datum rješenja o registraciji kojim je registriran subjekt upisa koji se odvaja;
- 3) naziv, broj i datum akta o odvajanju subjekta upisa; i
- 4) firma i sjedište novog/ih subjek(a)ta upisa nastalih odvajanjem subjekta upisa sa novim općim podacima.

(2) U rješenju o registraciji subjekta upisa koji se odvaja, pored činjenice odvajanja upisuje se broj i datum rješenja o registraciji novih subjekata upisa nastalih odvajanjem.“

Član 3.

Iza člana 42. dodaje se novi član 42a. koji glasi:

„Član 42a.

(Isprave potrebne za upis u registar odvajanja poslovnih subjekata)

„Uz prijavu za upis novih poslovnih subjekata nastalih odvajanjem prilaže se odluka skupštine o odvajanju poslovnog subjekta i diobni bilans odobren od skupštine, te notarski obrađeni osnivački akti društava nastalih odvajanjem.,,

Član 4.

Ovaj Zakon stupa na snagu osmog dana od dana objavljivanja u „Službenim novinama Federacije BiH“.

O B R A Z L O Ž E N J E

I USTAVNI OSNOV

Ustavni osnov za donošenje ovog zakona sadržan je u odredbi člana IV. A. 20. 1. d., a u vezi sa članom IV. C. 3. Ustava Federacije Bosne i Hercegovine, kojim je propisano da je Parlament Federacije nadležan za donošenje zakona u vršenju funkcija federalne vlasti, ukoliko ustavom nije drugačije utvrđeno, te da pravila postupka potrebna da bi se osigurala jednakost u postupanju kao i osnovni principi pravičnosti u postupcima pred sudovima i organizaciji svih sudova bit će utvrđeni zakonima Federacije.

II RAZLOZI ZA DONOŠENJE ZAKONA

Zakon o registraciji poslovnih subjekata predstavlja procesni zakon koji mora da prati sve promjene materijalnog zakona za koji je neraskidivo vezan tj. Zakona o privrednim društvima Federacije Bosne i Hercegovine. Obzirom da se predlaže izmjena Zakona o privrednim društvima koja bi omogućila statusnu promjenu odvajanje, koja do sada nije bila moguća, neophodno je napraviti shodnu izmjenu Zakona o registraciji kako bi se i procesno omogućilo privrednim subjektima da sprovedu ovu statusnu promjenu. Predložene izmjene olakšat će rad sudovima prilikom registracije statusne promjene odvajanja, imajući u vidu da je neophodno uspostaviti jasne kriterije na osnovu kojih se statusna promjena može u postupnosti sprovesti, podaci koji se registruju i neophodna dokumenta.

III OBRAZLOŽENJE PREDLOŽENIH ZAKONSKIH RJEŠENJA

Predloženom izmjenom Zakona o registraciji poslovnih subjekata samo su dopunjene odredbe koje reguliraju potrebna dokumenta za registraciju statusne promjene odvajanja s obzirom da do sada to nije bilo regulirano. Ove izmjene i dopune Zakona o registraciji poslovnih subjekata imaju za cilj da u potpunosti budu u skladu sa izmjenom Zakona o privrednim društvima kojim se omogućava sprovođenje statusne promjene odvajanja.

Članom 1. uvodi se novi pojam odvajanje subjekta upisa.

Članom 2. definiše se procedura registracije odvajanja subjekta upisa na novi ili postojeći subjekat upisa.

Članom 3. određuje se koje isprave su potrebne za upis u registar odvajanja poslovnih subjekata.

Članom 4. određuje se vrijeme stupanja na snagu ovog zakona.

IV FINANSIJSKA SREDSTVA

Za provođenje ovog zakona nije potrebno osigurati nikakva dodatna sredstva u budžetu Federacije Bosne i Hercegovine.